

Barcode : 4990010203055
Title - Muchiram Gurer Jibancharit
Author - Chattopadhyay, Bankimchandra
Language - bengali
Pages - 474
Publication Year - 0
Barcode EAN.UCC-13




মুচিরামগুড়ের জীবনচরিত ।

—:—

শ্রীদর্পনারায়ণ পুতিতুণ্ড প্রণীত ।

প্রথম পরিচ্ছেদ ।



মুচিরাম গুড়মহাশয় এই জগৎ পবিত্র করিবার জন্ত, কোন শকে জয়গ্রহণ করিয়াছিলেন, ইতিহাসে তাহা লেখে না । ইতিহাস একরূপ অনেক প্রকার বদমাইসি করিয়া থাকে । এ দেশে ইতিহাসের সাক্ষাৎ পাওয়া যায় না, নচেৎ উচিত ব্যবস্থা করা যাইত ।

যশোদা দেবীর গর্ভে সফলরাম গুড়ের গুঁরসে তাঁহার জন্ম । ইহা দুঃখের বিষয় সন্দেহ নাই ; কেন না উচ্চবংশের কথা কিছুই বলিতে পারা গেল না । তবে ইহা বলা যাইতে পারে যে, তিনি ব্রাহ্মণকুলোদ্ভব । গুড় গুনিয়া কেহ মনে না করেন যে তিনি মিষ্টবিশেষ হইতে জন্মিয়াছিলেন ।

সফলরাম গুড় কৈবর্তের ব্রাহ্মণ ছিলেন । তাঁহার নিবাস সাধুভাষায় মোহনপল্লী অপর ভাষায় মোনাপাড়া । মোহনপল্লী গুঁরফে মোনাপাড়ায় কেবল ঘরকতক কৈবর্তের বসি । গুড়মহাশয় এক ব্রাহ্মণ—যেমন এক চন্দ্র রজনী আলোকময়ী করেন, যেমন এক বিষ্ণুই পুরুষোত্তম, যেমন এক বার্তাকুণ্ডল গুড় মহাশয়ের অনুরাগের উপর শোভা করিতেন, তেমনি সফলরাম একা মোহনপল্লী উজ্জ্বল করিতেন । শ্রাদ্ধশাস্তিতে কাঁচা কঁদলী আতপ তণ্ডুল এবং দক্ষিণা, বটী মাকালের পূজার-অন্নপ্রাশনাদিতে নারিকেল নাড়ু, ছোলা, কলা আদি তাঁহার লাভ হইত । সুতরাং যাজনক্রিয়ায় তাঁহার বিশেষ মনোযোগ ছিল । তাঁহারই ঐশ্বর্যের উত্তরাধিকারী হইয়া মুচিরাম গুড় কণে জয়গ্রহণ করিলেন ।

অমগ্রহণের পর মুচিরাম দিনে দিনে বাড়িতে লাগিলেন। দেখিয়া যশোদা, সেটা বালকের অসাধারণ পৌরুষের লক্ষণ বিবেচনা করিয়া, অতিশয় গর্ভাধিতা হইলেন। যথাকালে মুচিরামের অন্নপ্রাশন হইল। নামকরণ হইল মুচিরাম। এত নগেন্দ্র, গজেন্দ্র, চন্দ্রভূষণ, বিধুভূষণ থাকিতে তাঁহার মুচিরাম নাম হইল কেন ভ্রাতা আমি সবিশেষ জানি না, তবে দুইলোকে বলিত যে, যশোদা দেবীর যৌবনকালে কোন কালো কোলো কৌকড়া চুল নধরশরীর মুচিরাম দাসনামা কৈবর্তপুত্র তাঁহার নমনপথের পথিক হইয়াছিল, সেই অবধি মুচিরাম নামটি যশোদার কাণে মিষ্ট লাগিত।

যাহাই হউক যশোদা নাম রাখিলেন মুচিরাম। নাম পাতিয়া মুচিরামশায়া দিনে দিনে বাড়িতে লাগিলেন। ক্রমে “মা,” “বাবা” “তু” “দে” ইত্যাদি শব্দ উচ্চারণ করিতে শিখিলেন। তাঁহার অসাধারণ ধীশক্তির বলে মিছাকান্নায় এক বৎসর পার হইতে না হইতেই সুপণ্ডিত হইলেন। তিন বৎসর যাইতে না যাইতে গুরুভোজন দোষ উপস্থিত হইল এবং পাঁচ বৎসর যাইতে না যাইতেই মহামতি মুচিরাম মাকে পিতৃ উচ্চারণ করিতে এবং বাপকে শালা বলিতে শিখিলেন। যশোদা কাঁদিয়া বলিতেন, এমন গুণের ছেলে বাঁচলে হয়।

পাঁচ বৎসরে সাকলরাম গুরুমহাশয় কিছু গোলে পড়িলেন। যশোদা ঠাকুরাণীর সাধ, পাঁচবৎসরে পুত্রের হাতে খড়ি হয়। সাকলরাম! সাকলরামের তিনপুরুষের মধ্যে সে কাজ হয় নাই। মালা বলে কি? যেদিন কথা পড়িল, সেদিন সাকলরামের নিদ্রা হইল না।

যমুনার জল উজ্জান বহিতে পারে, তবু গৃহিণীর বাক্য নড়িতে পারে না। সুতরাং সাকলরাম হাতে খড়ির উদ্যোগ দেখিতে লাগিলেন; কিন্তু দুর্ভাগ্যবশতঃ তিনক্রোশের মধ্যে পাঠশালা বা গুরুমহাশয় নাই। কে লেখা পড়া শিখাইবে? সাকলরাম বিষমবদনে বিনীতভাবে যশোদা দেবীর ত্রীপাদপদ্মে এই সংবাদ সুনিবেদিত করিলেন। যশোদা বলিলেন, “ভাল

তুমি কেন আপনিই হাতে খড়ি দিয়া ক, খ, শিখাও না।” সাফল-
রাম একটু স্তান হইয়া বলিলেন, “হাঁ তা আমি পারি, তবে কি
জ্ঞান শিষ্যসেবক যজ্ঞমানের জালায়—আজি কি রান্না হইল—
শুনিবামাত্র যশোদা দেবীর মনে পড়িল আজি কৈবর্তেরা পাতিলেবু
দিয়া গিয়াছে। বলিলেন, “অধঃপেতে মিন্লে—” এই বলিয়া পতি-
পুত্রপ্রাণা যশোদা দেবী বিবস্মমনে সজলনয়নে পাতিলেবু দিয়া পাত্তা
ভাত খাইতে বসিলেন।

অগত্যা মুচিরাম অশ্রুাশ্রু বিদ্যা অভ্যাসে সানুরাগ হইলেন।
অশ্রুাশ্রু বিদ্যার মধো—“পর্যাপরাচ”—গাছে উঠা, জলে
ডোবা, এবং সন্দেশ চুরি। কৈবর্ত যজ্ঞমানদিগের কল্যাণে
গুড়ের ঘরে সন্দেশের অভাব নাই। নারিকেলসন্দেশ এবং
অশ্রুাশ্রু যে সকল জাতীয় সন্দেশের সঙ্গে ছানার সাক্ষাৎ বা
অসাক্ষাৎ কোন প্রকার সম্বন্ধ নাই, যাহা সর্বদা মুচিরামের
ঘরে থাকিত, সে সাল মুচিরামের বিদ্যাভ্যাসের কারণ হইল।
কৈবর্তের ছেলোদের সঙ্গে মুচিরামের প্রত্যহ একটী নূতন
কৌশল হইত—শুনা গিয়াছে কৈবর্তদিগের ঘরেও খাবান্ন
চুরি যাউত।

নবম বৎসরের মুচিরামের উপনয়ন হইল। তারপর সাফল-
রাম এক বৎসর প্রিয়তম পুত্রকে সন্ধ্যা আশিক শিখাইলেন। এক
বৎসরে মুচিরাম আশিক শিখিয়াছিলেন কি না আমরা জানি
না। কেন না প্রমাণাভাব। তারপর মুচিরাম কখন সন্ধ্যা আশিক
করেন নাই।

তারপর একদিন সাফলরাম গুড় অকস্মাৎ ওলাউঠারোগে প্রাণ-
ত্যাগ করিল।

দ্বিতীয় পরিচ্ছেদ।

যশোদার আর দিন যায় না। যজ্ঞমানদিগের পৌরোহিত্য
কে করে? কৈবর্তেরা। আর এক ঘর বামন আনিল। যশোদা
অল্পকষ্টে—ধান ভানিতে আরম্ভ করিলেন।

যখন মুচিরামের বয়স দশ বৎসর, কৈবর্তেরা চাঁদা করিয়া একটা বারোইয়ারি পূজা করিল। যাত্রা দিবার জন্ত বারোইয়ারি ; কৈবর্তেরা শস্তা দরে হারাগ অধিকারীকে তিনদিনের জন্ত বায়না করিয়া আনিয়া, কলাগাছের উপর সরা জালিয়া, তিনরাত্রি যাত্রা শুনিল। মুচিরাম এই প্রথম যাত্রা শুনিল। যাত্রার গান, যাত্রার গল্প অনেক শুনিয়াছিল—কিন্তু একটা আস্তযাত্রা, এই প্রথম শুনিল, চূড়া ধড়া ঠেঙ্গা লাঠি সহিত সাক্ষাৎ কৃষ্ণ এই প্রথম দেখিল। আহ্লাদ উছলিয়া উঠিল। নিশ্চিত সম্বাদ রাখি, যে পরদিন মুচিরাম, গালাগালি মারামারি বা চুরি মাতাকে প্রহার, এ সকলের কিছুই করে নাই।

মুচিরামের একটা গুণ ছিল, মুচিরাম সুকণ্ঠ। প্রথমদিন যাত্রা শুনিয়া বহুযত্নে একটা গানের মোহাড়াটা শিখিয়াছিল। পরদিন প্রভাত হইতে মাঠে মাঠে সেই গান গাইয়া ফিরিতে লাগিল। দৈবাৎ হারাগ অধিকারী লোটা হাতে, পুষ্করিণীতে হস্তমুখপ্রক্ষালনাদির অনুরোধে যাইতেছিলেন—প্রভাত বায়ু পরিচালিত হইয়া মুচিরামের সুস্বর অধিকারী মহাশয়ের কাণের ভিতর গেল। কাণে যাইতে যাইতে মনের ভিতর গেল—মনের ভিতর গিয়া, বঙ্গনার সাহায্যে, টাকার সিঙ্ককের ভিতরও প্রবেশ করিল। অধিকারী মহাশয়ের নিকট গলার আওয়াজ, টাকার আওয়াজে পরিণত হয়। সে দোষে অধিকারী মহাশয় একা দোষী—নহেন—জিজ্ঞাসা করিলে অনেক উকীল মহাশয়েরা ইহার কিছু নিগূঢ় তত্ত্ব বলিয়া দিতে পারিবেন। তাঁহাদের কাছেও গলার আওয়াজ টাকার আওয়াজে পরিণত হয়। উকীল বাবুদেরই বা দোষ কি—Glorious British Constitution ! হায় ! গলাবাজি মার !

অধিকারী মহাশয়—মানুষের সঙ্গে প্রেম করেন না—ব্রিটিশ পার্লামেন্টের মত, একক কুরঙ্গীসদ্য, মনুষ্যকণ্ঠেই মুখ—অতএব তিনি হাত নড়িয়া মুচিরামকে ডাকিলেন। মুচিরাম আসিল। তাহার পরিচয় জিজ্ঞাসা করিয়া বলিলেন,

“তুমি আমার যাত্রার দলে থাকিবে ?”

মুচিরাম আহ্লাদে আটখানা। মাকে জিজ্ঞাসার অপেক্ষা রাখিল না—তখনই সঙ্গে যায়। কিন্তু অধিকারী মনে করিল যে, পরের ছেলে না বলিয়া লইয়া যাওয়া কিছু নয়। অতএব মুচিরামকে সঙ্গে করিয়া তাহার মার নিকট গেল।

শুনিয়া যশোদা বড় কাঁদা কাটা আরম্ভ করিল—সবে একটা ছেলে—আর কেহ নাই—কি প্রকারে ছাড়িয়া দিবে? এদিকে আবার অন্ন জুটে না—যদি একটা খাবার উপায় হইতেছে—কেমন করিয়াই বা না বলেন? বিধাতা কি আর এমন সুযোগ করিয়া দিবেন? আমি না দেখিতে পাই তবু ত মুচিরাম ভাল খাইবে, ভাল পরিবে! যশোদা যাত্রাওয়ার ছুঃখ জানিত না। অগত্যা পাঁচ টাকা মাসিক বেতন রক্ষা করিয়া যশোদা মুচিরামকে হারাম অধিকারীর হস্তে সমর্পণ করিল। তারপর আছাড়িয়া পড়িয়া স্বামীর জন্ত কাঁদিতে লাগিল।

তৃতীয় পরিচ্ছেদ।

মুচিরাম অল্পদিনেই দেখিল যে যাত্রাওয়ার জীবন সুখের নয়। যাত্রাওয়ালা কেবল কোকিলের মত গান করিয়া ডালে ডালে মুকুলভোজন করিয়া বেড়ায় না। অল্পদিনে মুচিরামের শরীর শীর্ণ হইল। এ গ্রাম ও গ্রাম ছুটাছুটি করিতে করিতে সকল দিন আহার হয় না; রাত্রি জাগিয়া প্রাণ ওষ্ঠাগত; চুলের ভারে মাথায় উকুনে ঘা করিল; গায়ে খড়ি উড়িতে লাগিল; অধিকারীর কাণ-মলায় দুই কাণে ঘা হইল। শুধু তাই নয়; অধিকারী মহাশয়ের পা টিপিতে হয়, তাঁকে বাতাস করিতে হয়, তামাক সাজিতে হয়, আরও অনেক রকম দাসত্ব করিতে হয়। অল্পদিনেই মুচিরামের শ্রাণের ঘেষ বাষ্পরাশিতে পরিণত হইল।

মুচিরামের আরও দুর্ভাগ্য এই যে, বুদ্ধিটা বড় তীক্ষ্ণ নহে। তের ভাল যে, পুষ্করিণীতীরস্থ দীর্ঘবৃক্ষে ফলে না, ইহা

বুঝিতে তাঁহার বহুকাল গেল। ফলে তালিমের সময়ে তাঁলের কথা পড়িলে, মুচিরাম অগ্রমনস্ক হইত—মনে পড়িত, যা কেমন তাঁলের বড়া করে!—মুচিরামের চক্ষু দিয়া এবং রসনা দিয়া জল বহিয়া যাইত।

আবার গান মুঃস্থ করা আরও দায়—কিছুতেই মুঃস্থ হইত না—কাণমলায় কাণমলায় কাণ রাক্ষা হইয়া গেল। স্মৃতরাং আসরে গায়িবার সময়ে পিছন হইতে তাঁহাকে বলিয়া দিতে হইত। তাহাতে মধ্যো মধ্যো বড় গোল বোধিত—সকল সময়ে ঠিক গুনিতে বা বুঝিতে পারিত না। একদিন পিছন হইতে বলিয়া দিতেছে—

“নীরদকুন্তলা—লোচনচঞ্চলা দধতি স্নন্দররূপং”

মুচিরাম গায়িল—“নীরদ কুন্তলা—” থামিল—আবার পিছন হইতে বলিল, “লোচনচঞ্চল”—মুচিরাম ভাবিয়া চিন্তিয়া গায়িল “লুটি চিনি ছোলা।” পিছন হইতে বলিয়া দিল “দধতি স্নন্দর রূপং”—মুচিরাম না বুঝিয়া গায়িল “দধিতে সন্দেশ রূপং।” সেদিন আর গায়িতে পাইল না।

মুচিরামকে কৃষ্ণ সাজিতে হইত—কিন্তু কৃষ্ণের বস্ত্রব্য সকল তাহাকে পিছন হইতে বলিয়া দিতে হইত—কেবল “আ—বা—আ—বা ধবলী”টী মুঃস্থ ছিল। একদিন মানভঞ্জন যাত্রা হইতেছে—পিছন হইতে মুচিরামকে বক্তৃতা শিখাইয়া দিতেছে কৃষ্ণকে বলিতে হইবে “মানময়ি রাধে! একবার বদন তুলে কথা কও।” মুচিরাম সবটা গুনিতে না পাইয়া কতকদূর বলিল, “মানময়ি রাধে একবার বদন তুলে—” সেই সময়ে বেহালাওয়ালা মৃদঙ্গীর হাতে তামাকের কল্কে দিয়া বলিতেছিল “গুড়ুক খাও—” গুনিয়া মুচিরাম বলিল “রাধে একবার বদন তুলে—” গুড়ুক খাও।” হাসির চোটে যাত্রা ভাঙ্গিয়া গেল।

মুচিরাম প্রথমে বুঝিতে পারিল না—হাসি কিম্বদন্তি,—বা ভাঙ্গিল কেন? কিন্তু যখন দেখিল অধিকারী সাজঘরে আসি একগাছা বাঁক সাপটিয়া ধরিয়া, তাহার দিকে ধাবমান হইলে,

তখন মুচিরাম হঠাৎ বলিল, যে এই ঝাঁক তাহার পৃষ্ঠদেশে অবতীর্ণ হইবার কিছু গুরুতর সম্ভাবনা—অতএব বখিত পৃষ্ঠদেশ স্থানান্তরে লইয়া যাওয়া আবশ্যিক প্রয়োজন। এই ভাবিয়া মুচিরাম অকস্মাৎ নিজস্ব হইয়া নৈশ অন্ধকারে অস্তিত্ব হইল।

অধিকারী মহাশয় ঝাঁকহস্তে তৎপশ্চাৎ নিজস্ব হইয়া, মুচিরামকে না দেখিতে পাইয়া, তাহার ও তাহার পিতামহ মাতা ও ভগিনীর নানাবিধ অযশ কীর্তন করিতে লাগিলেন। মুচিরামও এক বৃক্ষান্তরালে থাকিয়া নানাবিধ অশুভস্বরে অধিকারী মহাশয়ের পিতৃমাতৃসম্বন্ধ তদ্রূপ অপবাদ করিতে লাগিল। অধিকারী মুচিরামের সন্ধান না পাইয়া সাজবরে গিয়া, বেশ-ত্যাগ করিয়া, দ্বার রুক করিয়া শয়ন করিয়া রহিলেন। দেখিয়া মুচিরাম বৃক্ষছায়া ত্যাগ করিয়া, রুদ্ধদ্বারসীপে দাঁড়াইয়া অধিকারীকে নানাবিধ অবস্কর্য্য কদর্যা ভাষায় মনে মনে সম্বন্ধন করিতে লাগিল; এবং উভয় হস্তের অঙ্গুষ্ঠ উত্তীর্ণ করিয়া তাহাকে কদলী ভোজনের অনুমতি করিল। তৎপরে রুদ্ধকবাটকে, বা কবাটের অন্তরালস্থিত অধিকারীর বদনচক্রে একটী লাথি দেখাইয়া, মুচিরাম ঠাকুরবাড়ীর রোয়াকে গিয়া শয়ন করিয়া রহিল।

প্রভাতে উঠিয়া অধিকারী মহাশয় গ্রামান্তরে যাইবার উদ্যোগ করিতে লাগিলেন। উল্লিখিত মুচিরাম আইসে নাই—কেহ কেহ বলিল তাহাকে খুঁজিয়া আনিব? অধিকারী মহাশয় গালি দিয়া বলিলেন, “জুটতে হয়, আপনি জুটবে, এমন আমি খুঁজে বেড়াতে পারি না।” দয়ালুচিত্ত বেহালাওয়াল বলিল, “হেঁকে মানুষ—যদি নাই জুটতে পারে—আমি খুঁজে আনিব।” অধিকারী ধমকাইলেন—মনে মনে ইচ্ছা মুচিরামের হাত ইহাতে উদ্ধার পাইবে এবং সেই সঙ্গে তাহার পাওনা টাকাগুলি ফাকি যেন। বেহালাওয়াল বলিল—মুচিরাম কোনরূপে জুটবে। আর কিছু বলিল না।

যাত্রার দল চলিয়া গেল—মুচিরাম জুটিল না। রাত্রি আগরণ—দেবালয়বরঙে সে অকাতরে নিদ্রা দিতে ছিল। উঠিয়া দল চলিয়া গিয়াছে শুনিয়া, কাঁদিতে আরম্ভ করিল। এমন বুদ্ধি নাই যে অধিকারী কোন পথে গিয়াছে, সন্ধান করিয়া সেই পথে যায়। কেবল কাঁদিতে লাগিল। পূজারি বামন অনুগ্রহ করিয়া বেলা তিন প্রহরে দুইটি ঠাকুরের প্রসাদ খাইতে দিল। খাইয়া, মুচিরাম কান্নার দ্বিতীয় অধ্যায় আরম্ভ করিল। যত রাত্রি নিকট হইতে লাগিল, তত ভাবিতে লাগিল—আমি কেন পলাইলাম! আমি কেন দাঁড়াইয়া মার খাইলাম না!

বিজ দর্পনারায়ণ বলে, এবার যখন ঝাঁক উঠবে দেখিবে, পিঠ দিও। তোমার গোষ্ঠীর বাপচৌদ্দপুরুষ, বুড়া সেনরাজার আমল হইতে কেবল পিঠ পাতিয়া দিয়াই আসিতেছে। তুমি পলাইবে কোথায়? এ সুসভ্যজাতের অধিকারীরা মুচিরাম দেখিলে ঝাঁক পেটাই করিয়া থাকে—মুচিরামেরা পিঠ পাতিয়াই দেয়। কেহ পলায় না—রাখাল ছাড়া কি গরু থাকিতে পারে বাপু? ঘাস জলের প্রয়োজন হইলেই, তোমার যখন রাখাল ভিন্ন উপায় নাই তখন পাঁচনবাড়িকে প্রাতঃপ্রণাম করিয়া গোজন্ম সার্থক কর।

চতুর্থ পরিচ্ছেদ।

ইশানবাবু একজন সংকুলোদ্ভূত কায়স্থ। অতি ক্ষুদ্র লোক—কেন না বেতন এক শত টাকা মাত্র—কোন জেলার কোজদারী আপিসের হেড কেরানী! বাঙ্গালা দেশে মনুষ্যত্ব বেতনের ওজনে মিলিত হয়—কে কত বড় ঝাঁদর তার লেজ মাগিয়া ঠিক করিতে হয়। এমন অধঃপতন আর কখন কোন দেশের হয় নাই। বন্দী চরণশৃঙ্খলের দৈর্ঘ্য দেখাইয়া বড়াই করে।

ঈশানবাবু ক্ষুদ্র ব্যক্তি—ল্যাজ খাটো, বানরহে খাটো—কিন্তু মনুষ্যত্ব নহে। যে গ্রামে হারাগ অধিকারী এই অপূর্ণ মানভঞ্জন যাত্রা করিয়াছিলেন, ঈশান বাবুর সেই গ্রামে বাস। যাত্রাটা যে সময়ে হইয়াছিল, সে সময়ে তিনি ছুগী লইয়া বাড়ীতে ছিলেন। যাত্রার ব্যাপার তিনি কিছু জানিতেন কিনা বলিতে পারি না ; যাত্রার শব্দদিন সন্ধ্যাকালে তিনি পথে বেড়াইতেছিলেন, দেখিলেন, একটা ছেলে—গুরু শরীর, দীর্ঘকেশ—অনুভবে যাত্রার দলের ছেলে—পথে দাঁড়াইয়া কাদিতেছে !

ঈশানবাবু ছেলের হাত ধরিয়া জিজ্ঞাসা করিলেন,

“কাদ্‌হিস কেন বাবা?” ছেলে কথা কয় না। ঈশানবাবু বাবু জিজ্ঞাসা করিলেন,

“তুমি কে?”

ছেলে বলিল, “আমি মুচিরাম।”

ঈশা। তুমি কাদের ছেলে?

মুচি। বামনদের।

ঈশা। কোন্ বামনদের?

মুচি। আমি গুড়ের ছেলে।

ঈশা। তোমার বাড়ী কোথায়?

মুচি। আমাদের বাড়ী মোনাপাড়া।

ঈশা। সে কোথা?

তা ত মুচিরামের বিদ্যার মধ্যে নহে।

যাই হোক, ঈশানবাবু অল্পসময়ে মুচিরামের দুর্ঘটনা বুঝিয়া লইলেন। “তোমাকে বাড়ী পাঠাইয়া দিব” এই বলিয়া মুচিরামকে আপনার বাড়ী লইয়া গেলেন ; মুচিরাম হাত বাড়াইয়া স্বর্গ পাইল। ঈশানবাবু তাহার আহাতি ও অবস্থিতির উত্তম ব্যবস্থা করিয়া দিলেন।

কিন্তু মোনাপাড়ার ত কোন ঠিকানা হইল না। সুতরাং মুচিরাম ঈশানবাবুর গৃহে বাস করিতে লাগিল। সেখানে আহাতি পরিচ্ছদের ব্যবস্থা উত্তম, এবং কাগমলার অত্যন্তাভাব, দেখিয়া মুচিরামও বাড়ীর জন্ত বিশেষ ব্যস্ত হইল না।

এদিকে ঈশানবাবুর ছুটি ফুরাইল—সপরিবারে কর্ণস্থানে
 গমন। অগত্যা মুচিরামও সঙ্গে চলিল। কর্ণস্থানে গিয়াও
 ঈশান মোনাপাড়ার অনুসন্ধান করিলেন, কিন্তু কোন সন্ধান
 পাইলেন না। অগত্যা মুচিরাম তাঁহার গলায় পড়িল। মুচিরামও
 স্থানে আহ্বারের ব্যবস্থা উত্তম, সেখানে গলায় পড়িতে নারাজ
 এহে—তবে ঈশানবাবুর একটা ব্যবস্থা মুচিরামের বড় ভাল লাগিল
 না। ঈশানবাবু বলিলেন, “বাপু, যদি গলায় পড়িলে তবে একটু
 লেখা পড়া শিখিতে হইবে।” ঈশানবাবু তাহাকে পাঠশালায়
 পাঠাইয়া দিলেন।

এদিকে মুচিরামের মা অনেক দিন হইতে ছেলের কোন সন্বাদ
 না পাইয়া পাড়ায় পাড়ায় বিস্তর কাঁদাকাটি করিয়া বেড়াইয়া
 শেষে আহ্বার নিদ্রা ত্যাগ করিল। আহ্বার নিদ্রা ত্যাগ করিয়া রুগ্ন
 হইল। রুগ্ন হইয়া মরিয়া গেল।

পঞ্চম পরিচ্ছেদ।

এদিকে যশোদানন্দন শ্রীশ্রীমুচিরাম শর্মা—ঈশানমন্দিরে
 সুবিরাজমান—সম্পূর্ণরূপে মাতৃবিস্মৃত। যদি কখন মাকে মনে
 পড়িত তবে সে আহ্বারের সময়—ঈশানবাবুর ঘরের প্রকুলমল্লিকা-
 সজ্জিত সিংহাসন, দানাদার গব্যবৃত, সুগন্ধি ঝোলে নিমগ্ন রোহিতমংগু,
 পৃথিবীর ত্রায় নিটোল গোলাকার সদ্যভর্জিত লুটির রাশি—এই
 সকল পাতে পাইলে মুচিরাম মনে করিতেন, “মা বেটী কি ছাই-ই
 আমাকে খাওয়াইত!” সে সময়ে মাকে মনে পড়িত—অন্য সময়ে
 নহে।

মুচিরামের পাঠশালায় লেখা পড়া সমাপ্ত হইল—অর্থাৎ
 গুরুমহাশয় বলিল, সমাপ্ত হইয়াছে। মুচিরামের কোন গুণ
 ছিল না এমত বলি না; তাহা হইলে এ ইতিহাস লিখিতে
 প্রবৃত্ত হইতাম না। মুচিরামের কণ্ঠস্বর ভাল ছিল বলিয়াছি—

শুণ নম্বর এক। শুণ নম্বর দুই, তাহার হস্তাকর অতি সুন্দর হইল। আর কিছু হইল না। ঈশানবাবু মুচিরামকে ইংরেজি স্কুলে পাঠাইলেন।

মুচিরাম ধেড়ে ছেলে, স্কুলে ঢুকিয়া বড় বিপদগ্রস্ত হইল। মাষ্টারেরা তামাসা করে, ছোট ছোট ছেলেরা খিলখিল করিয়া হাসে। মুচিরাম রাগ করে কিন্তু পড়ে না। সূতরাং মাষ্টারেরা হারাণ অধিকারীর পথে গেলেন। আবার কাগনলায় কাগনলায় মুচিরামের কাগ রান্ধা হইয়া উঠিল। প্রথমে কাগনলা, তার পর বেত্রাঘাত মৃগাঘাত, চপেটাঘাত, কীলাঘাত, এবং ঘুস্তাঘাত। ঈশানবাবুর ঘরের তপ্তনুচির জ্বারে মুচিরাম নির্ঝিবাদে সব হুকুম করিল।

এইরূপে মুচিরাম, তপ্তনুচি ও বেত খাইয়া, স্কুলে পাঁচ সাত বৎসর কাটাইল। কিছু হইল না। ঈশান বাবু তাহাকে স্কুল হইতে ছাড়াইয়া লইলেন। ঈশান বাবুর দয়ার শেষ নাই। ম্যাজিষ্ট্রেট সাহেবের কাছে তাহার বিশেষ প্রতিপত্তি—মুচিরামের হাতের লেখাও ভাল—ঈশান বাবু মুচিরামের একটা দশ টাকার মুছরিগিরি করিয়া দিলেন। বলিয়া দিলেন “যুস ঘাস লইও না বাপু, তা হলে তাড়াইয়া দিব।” মুচিরাম শব্দা প্রথম দিনেই একটা ছকুমের চোরাও নকল দিয়া আট গুণ্ডা পয়সা হাত করিলেন, এবং সন্ধ্যায় অল্পকাল পরেই, তাহা প্রতিবাসিনী কুলটাবিশেষের পাদপয়ে উৎসর্গ করিলেন।

এদিকে ঈশান বাবুও প্রাচীন হইয়া আসিয়াছিলেন। তিনি ইহার পরেই পেন্সন লইয়া স্বকর্ম হইতে অবসর লইলেন এবং মুচিরামকে পৃথক বাসা করিয়া দিয়া, সপরিবারে স্বদেশে প্রস্থান করিলেন। মুচিরাম ঈশানবাবুকে একটু ভয় করিত—একণে তাহার পোয়া বারো পড়িয়া গেল।

ষষ্ঠ পরিচ্ছেদ ।

পোয়া বারো—মুচিরাম জেলা লুঠিতে লাগিল। প্রথমে লোকেব কাছে চাহিয়া চিহ্নিয়া দুই চারি আনা লইত। তার পর দাঁও শিখিল। ফেনু সেখের ধানগুলি জীবনার জোর করিয়া কাটিয়া লইতে উদ্যত, সাহেব দয়া করিয়া পুলিশকে হুকুম দিলেন, ফেনুর সম্পত্তি রক্ষা করিবে। সাহেব হুকুম দিলেন, কিন্তু পরওয়ানাখানি লেখা আর হয় না। পরওয়ানা লেখা মুচিরামের হাত। পরওয়ানা যাইতে যাইতে ধান থাকে না; ফেনু মুচিরামকে এক টাকা, দুই টাকা, তিন টাকা, ক্রমে পাঁচ টাকা স্বীকার করিল—তৎক্ষণাৎ পরওয়ানা বাহির হইল। তখন ম্যাজিষ্ট্রেটেরা স্বহস্তে জোবানবন্দী লইতেন না—এক এক কোণে বসিয়া এক এক জন মুহুরি ফিস্ ফিস্ করিয়া জিজ্ঞাসা করিত, আর যাহা ইচ্ছা তাহা লিখিত। সামীর একরকম বলিত, মুচিরাম আর একরকম জোবানবন্দী লিখিতেন, মোকদ্দমা বুঝিয়া ফি সাক্ষি প্রতি চারি আনা, আট আনা, এক টাকা পাইতেন। মোকদ্দমা বুঝিয়া মুচি দাঁও মারিতেন; অধিক টাকা পাইলে সব উট্টা লিখিতেন। এইরূপে নানা প্রকার ফিকির ফন্দীতে মুচিরাম অনেক টাকা উপার্জন করিতে লাগিলেন—তিনি একা নহে, সকলেই করিত—তথৈ মুচি কিছু অধিক নিলজ্জ—কখন কখন লোকেব টেক হইতে টাকা কাড়িয়া লইত।

যাই হোক, মুচি শীঘ্রই বড়মানুষ হইয়া উঠিল—কোন মুচি না হয়? অচিরেই সেই অকৃতনামী প্রতিবাসিনী স্বর্ণালঙ্কারে ভূষিত হইল। মদ, গাঁজা, গুলি; চরস, আকিস—যাহার নাম করিতে আছে, এবং যাহার নাম করিতে নাই—সকলেই মুচিবাবুর গৃহকে অহর্নিশি আলোক ও ধূমময় করিতে লাগিল। মুচিরামেরও চেহারা ফিরিতে লাগিল—গালে মাংস লাগিল—হাড় ঢাকিয়া আসিল—বর্ণ জাপান লেদার ছাড়িয়া দিল্লীর নাগরায় পৌছিল। পরিচ্ছদের বৈচিত্র্য জন্মিতে লাগিল—শাদা, কালো, নীল, জরঙ্গা, বাগা,

গোলাপী, প্রভৃতি নানা বর্ণের বস্ত্রে মুচিরাম সৰ্ব্বনা রঞ্জিত। রাত্রি দিন মাথায় তেড়িকাটা, অধরে তাবুলের বাগ—এবং কণ্ঠে নিধুর টপ্পা। স্ততরাং মুচিরামের পোয়া বারো।

দৌষের মধ্যে সাহেব বড় খিটখিট করে। মুচিরাম একে ঘোরতর বোকা, কোন কৰ্মই ভাল করিয়া করিতে পারিত না, তাহাতে আবার দুর্জয় লোভ—সকল তাতে মুচিরাম গালি খাইত। সাহেবটীও বড় বদরাগী—অনেক সময়ে মুচিরামকে কাগজ পত্র ছুঁড়িয়া মারিত। কখন খাইতে খাইতে সাহেব “রিপোর্ট শুনি-তেছে—সে সময়ে মুচিরামকে কুটি বিসকুট ছুঁড়িয়া মারিত। সাহেবের ভিতরে ভিতরে হৃদয়ে দয়া ছিল।—নচেৎ মুচিরামের চাকরী অধিক কাল টিকিত না।

সৌভাগ্যক্রমে সে সাহেব বদলি হইয়া গেল—আর একজন আসিল। ইংলণ্ড হইতে আমাদিগের রক্ষণাবেক্ষণজন্ত যে সকল রাজপুরুষ প্রেরিত হইলেন অনেকেই সুবুদ্ধি ও সুপণ্ডিত বটে, কিন্তু মধ্যে মধ্যে এক একজন অতি নির্দোষ ব্যক্তি উচ্চযেতন পাইবার জন্ত প্রেরিত হইয়া থাকেন। এই সাহেবটি তাহারই একজন।

এই নূতন সাহেবটির নাম Grongerham—লিখিবার সময়ে লোকে লিপিত গঙ্গারহাম—বলিবার সময়ে বলিত গঙ্গারাম সাহেব। গঙ্গারাম সাহেব মোকদ্দমা করিতে গিয়া কেবল ভিষমিশ করিতেন। ইহাতে দুইটি সুবিধা ছিল—এক, এক ছত্র রায় লিখিলেই হইত, দ্বিতীয় আপীল নাই। অন্তান্ত সকল কৰ্মের ভার সেরেস্তাদার এবং হেড কেরানীর উপর ছিল। যত দিন সাহেব ঐ জেলায় ছিলেন, একদিনের জন্ত একখানি চিঠি স্বহস্তে মুশাবিদা করেন নাই—হেড কেরানী সব করিত।

সাহেব প্রথম আসিয়া, মুচিরামের কালোকালো নখর মুচিকণ শরীরটি দেখিয়া, এক তাহার আভূষিত্রণত ডবল সেলাম দেখিয়া একেবারে সিদ্ধান্ত করিলেন, যে আপিসের মধ্যে এই সর্বশ্রেষ্ঠ

উপযুক্ত লোক। সে বিশ্বাস তাঁহার কিছুতেই গেল না। বাইবারও কোন কারণ ছিল না—কেন না কাজ কর্ত্তের তিনি খবর রাখিতেন না। একদিন আপিসের মীর মুনসী, মিরজা গোলাম সফদর খাঁ সাহেব, দুনিয়াদারি নামাফিক মনে করিয়া ফৌত করিলেন। সাহেব, পরদিনেই মুচিরামকে ডাকিয়া তৎপদে অভিষিক্ত করিলেন। মীর মুনসীর বেতন কুড়ি টাকা—কিন্তু বেতনে কি করে? পদটি রুধিরে পরিপ্লুত। অজরামরবৎপ্রাজ্ঞ মুচিরাম শর্যা রুধির সঞ্চয় করিতে লাগিলেন।

দোষ কি? অজরামরবৎ প্রাজ্ঞ বিদ্যামর্থক চিন্তায়েৎ। দুইটা একজনে পারে না—দিওজিনিস্ হইতে দর্পনারায়ণ পূতিত্বও পর্য্যন্ত কেহ পারিল না। মুচিরাম বিদ্যাচিন্তা করিতে সক্ষম নহেন কোজিতে লেখে নাই—অতএব বিষ্ণুশর্যার উপদেশানুসারে মৃত্যু-ভয়রহিত হইয়া অর্থ চিন্তায় প্রবৃত্ত। যদি সেই “হিতোপদেশ” গুলি অধীত হইবার যোগ্য হয়—যদি সে গ্রন্থ এই উনবিংশ শতাব্দীতেও পূজার যোগ্য হয়—তবে মুচিরামও প্রাজ্ঞ। আর এ দেশের সকল মুচিই প্রাজ্ঞ।

বিষ্ণুশর্যা ভারতবর্ষের মাকিয়াবেল্লি—চাণকা ভারতের রোশ-ফুকেন। বাহারা এইরূপ গ্রন্থ বিদ্যালয়ে বালকদিগকে পড়াইবার নিয়ম করিয়াছে, দর্পনারায়ণ ভাষাদিগকে পাইলে বেত্রাঘাত করিতে ইচ্ছুক আছেন।

সপ্তম পরিচ্ছেদ।

মুচিরাম দুই তিন বৎসর মীর মুনসীগিরি করিল—তার পর কালেক্টরীর পেছারি খালি হইল। পেছারিতে বেতন পঞ্চাশ টাকা—আর উপার্জনের ত কথাই নাই। মুচিরাম ভাবিল কপাল চুকিয়া একখানা দরখাস্ত করিয়।

তখন কালেক্টর ও মাজিষ্ট্রেট পৃথক পৃথক ব্যক্তি হইত। সেখানে সে সময়ে হোম নামা এক সাহেব কালেক্টর ছিলেন। হোম সাহেবের মেজাজ মরজি কিছু বেতর। মুচিরামের আর কোন বুদ্ধি ছিল না—কিন্তু সাহেবের মেজাজ বুঝা বুদ্ধিটা ছিল; প্রায় বানরগোষ্ঠীর সে বুদ্ধি থাকুক।

দর্শনারায়ণ ভনে কে বানর? যে মেজাজ বুঝে, না যাহার মেজাজ বুঝিতে হয়? যে কলা খায়, না যে কদলী প্রলোভন দেখায়?

মুচিরাম একখানি ইংরেজী দরখাস্ত লিখাইয়া লইল—মুচিরামের নিজখিদ্যা দরখাস্ত পর্য্যন্ত কুলায় না। যে দরখাস্ত লিখিল; মুচিরাম তাহাকে বলিয়া দিলেন, “দেখিও যেন ভাল ইংরেজি না হয়। আর যা হোক না হোক, দরখাস্তের ভিতর যেন গোটা কুড়ি “মাই লার্ড” আর “ইণ্ডার লার্ডশিপ” থাকে। লিপিকার সেই রকম দরখাস্ত লিখিয়া দিল। তখন, শ্রীমুচিরাম বেশভূষায় প্রকৃত হইলেন। আপনার চারখানির টিলা পায়জামা পরিত্যাগ করিয়া, ধানের ধুতি শ্রীঅঙ্গে পরিধান করিলেন; চুড়িদার আন্তিন আল্লাকার চাপকান পরিত্যাগ পূর্ব্বক বুকফাঁক বন্ধকওয়ালা টিলে আন্তিন লাংকুথের চাপকান গ্রহণ করিলেন। লাটুদার পাগড়ি ফেলিয়া দিয়া স্বহস্তে মাথায় বিঁড়া জড়াইলেন; এবং চাঁদনির আমদানি নূতন চক্চকে জুতা ত্যাগ করিয়া চটিতে চাকচরনদয় মগুন করিলেন। ইতিপূর্বে গঙ্গারাম সাহেবকে হরিয়েক রকম সেলাম করিয়া, কঁাদো কঁাদো মুখ করিয়া, একখান সুপারিস চিঠি বাহির করিয়া লইয়া ছিলেন। এইরূপ চিঠি, দরখাস্ত ও বিহিৎ সজ্জাসহিত সেই শ্রীমুচিরাম চন্দ্র, যথায় হোমসাহেব এজলাসে বসিয়া ছনিয়া জলুস করিতেছিলেন, তথায় গিয়া দর্শন দিলেন।

উচ্চটঙ্গে, রেল দেওয়া পিজবের ভিতর, হোমসাহেব এজলাস করিতেছেন। চারিদিক অনেক মাথায় পাগড়ি ও বসিয়াছে—লোকে কথা কহিলেই চাপরশী বাবাজিউরা দাড়ি ঘুরাইয়া গালি দিতেছেন—সাহেব নথ কামড়াইতেছেন এবং মধ্যে মধ্যে পার্শ্ব

কুকুরটিকে কোলে টানিয়া লইতেছেন। এক কেঁটা গুড় পড়িলে যেমন সহস্র সহস্র পিপীলিকা তাহা বেষ্টন করে, খালি চাকরীটির মালিক হোমসাহেবকে তেমনি উমেদওয়ার ঘেরিয়া দাঁড়াইয়াছে। সাহেব উমেদওয়ারদিগের দরখাস্ত গুলিতেছেন। অনেক বড় বড় ইংরেজীনবীশ আসিয়াছেন—সেকেলে কেঁদো কেঁদো কলার্শিপ হোল্ডর। সাহেব তাহাদিগকে এক এক কথায় বিদায় করিলেন।

“I dare say you are up in Shakespeare and Milton and Bacon and so forth Unfortunately we don't want quotations from Shakespeare and Milton and Bacon in the office. So you can go, Baboo.”

অনেক শামলা মাথায় দিয়া চেন ঝুলাইয়া পরিপাটী বেশ করিয়া আসিয়াছিলেন; সাহেব দৃষ্টিমাত্র তাহাদিগকে বিদায় দিলেন।

“You are very rich I see; I want a poor man who work for his bread. You can go.” শামলা চেনের দল, অভিমতাসম্মুখে কুরুসৈন্তের আয় বিমুখ হইতে লাগিল। বাকি রহিল মুচিরাম, এবং তাঁহার সমকক্ষ জনকয়—বানর। সাহেব মুচিরামের দরখাস্ত পড়িলেন—হাসিয়া বলিলেন,

“Why do you call me, my Lord? I am not a Lord.”

মুচিরাম ষোড়হাতে হিন্দীতে বলিল,

“বান্দা কো মালুম থা কি হজুর লাট ঘরানা হেঁয়।”

এখন হোমসাহেবের সঙ্গে একটা লার্ড হোমের দূরসম্বন্ধ ছিল; সেই জন্ত তাঁহার মনে বংশমর্যাদা সর্বদা জাগরুক ছিল। মুচিরামের উত্তর শুনিয়া আবার হাসিয়া বলিলেন,

“হো সাকতা; লার্ড ঘরানা হো সাকতা; লার্ড ঘরনা হোনে সে হি লার্ড হোতা নেহি।”

সকলেই বুঝিল, যে মুচিরাম কার্য্য সিরু করিয়াছে। মুচিরাম ষোড়হাতে প্রহৃত্তর করিল,

“বান্দা লোক কে ওয়াস্তে হজুর লার্ড হেঁয় !”

সাহেব মুচিরামকে আর দুই চারিটা কথা জিজ্ঞাসাবাদ করিয়া তাহাকেই পেস্কারিতে বহাল করিলেন।

Struggle for existence ! Survival of the Fittest ! মুচির দলই এ পৃথিবীতে চিরজয়ী।

অষ্টম পরিচ্ছেদ।

মুচিরাম বাবু—এখন তিনি একটা ভারি রকম বাবু, এখন তাহাকে শুধু মুচিরাম বলা যাইতে পারে না—মুচিরাম বাবু পেস্কারি লইয়া বড় কঁ ফরে পড়িলেন। বিদ্যাবুদ্ধিতে পেস্কারি পর্য্যন্ত কুলায় না—কাজ চলে কি প্রকারে ? “ভাগ্যবানের বোঝা ভাগ্যবানে বয়”—মুচিরামবাবুর বোঝা বাহিত হইল। ভজগোবিন্দ চক্রবর্তী নামে একজন তাইদনবীশ সেই কালেক্টরী অফিসে থাকে। ভজগোবিন্দ বারবৎসর তাইদনবীশ আছে। সে বুদ্ধিমান, কৰ্ম্মঠ কালেক্টরীর সকল কৰ্ম্ম কাজ বারবৎসর ধরিয়া শিখিয়াছে। কিন্তু মুরুব্বি নাই—ভাগ্য নাই—এ পর্য্যন্ত কিছু হয় নাই। তাহার বাসাখরচ চলে না। মুচিরাম তাহাকে অবলম্বন করিলেন। আপনার বাসায় লইয়া গিয়া রাখিলেন। ভজগোবিন্দ মুচিরামের বাসায় থাকে, খায় পরে, গৃহকৰ্ম্মের সহায়তা করে, রাত্রি কালো বাবুর ঘরে বাহিরে মোসাহেবী করে, এবং আপিসের সমস্ত কাজ কৰ্ম্ম করিয়া দেয়। মুচিরাম তাহাকে টাকাটা সিকেটা দেওয়াইয়া দেন। ভজগোবিন্দের সাহায্যে মুচিরামের কৰ্ম্ম কাজ মাহেশের যথের মত গড়গড় করিয়া চলিল। হোম সাহেব অনেক প্রশংসা করিতেন। বিশেষ মুচিরাম বিত্তর প্রণালীতে সেলাম করিত, এবং “মাই লার্ড” এবং “ইওরঅ্যানর” কিছুতেই ছাড়িত না।

মুচিরাম বাবুর উপার্জনের আর সীমা রহিল না। হাতে অনেক টাকা জমিয়া গেল। ভজগোবিন্দ বলিল, টাকা কেনিয়া

রাখিবার প্রয়োজন নাই—তালুক মুলুক করুন। মুচিরাম সম্মত হইলেন, কিন্তু যে যে জেলায় কর্ম করে সে জেলায় বিষয় খরিদ নিষেধ। ভজগোবিন্দ বলিল যে বেনামীতে কিনুন। কাহার বেনামীতে? ভজগোবিন্দের ইচ্ছা ভজগোবিন্দের নামেই বিষয় খরিদ হয়, কিন্তু সাহস করিয়া বলিতে পারিল না। এদিকে মুচিরাম কাহারও বাসায় গল্প শুনিয়া আসিলেন, যে স্ত্রীর অপেক্ষা আত্মীয় কেহ নাই! কথাটায় তাঁহার সম্পূর্ণ বিশ্বাস হইল কি না জানি না—কিন্তু মনে মনে ভাবিলেন যে স্ত্রীর নামে বিষয় করাই বেনামীর শ্রেষ্ঠ। এই এখানকার দেবোত্তর। আগে লোকে বিষয় করিত ঠাকুরের নামে—এখন বিষয় করিতে হয় ঠাকুরের নামে। উভয় স্থলেই বিষয়কর্তা “সেবাইং” মাত্র—পরম ভক্ত—পাদপরে বিক্রীত। এই রূপ রাধাকান্ত জিউর স্থানে রাধামণি, শ্রীমসুন্দরের স্থানে শ্রীমাসুন্দরী দেবী মালিক হওয়ায় ভাল হইয়াছে কি মন্দ হইয়াছে জানি না—তবে একটা কথা বুঝা যায়। আগে মন্দিরে গেলেই সেবাইংকে খাইতে হইত চরণতুলসী—এখন খাইতে হয় চরণ—পাপমুখে কি বলিব?

স্ত্রীর বেনামীতে বিষয় করা শ্রেয়ঃ ইহা মুচিরাম বুঝিলেন; কিন্তু এই সঙ্কল্পে একটা সামান্য রকম বিঘ্ন উপস্থিত হইল—মুচিরামের স্ত্রী নাই! এ পর্যন্ত তাঁহার বিবাহ করা হয় নাই—অনুকল্পের অভাব ছিল না। কিন্তু এস্থলে অনুকল্প চলিবে কি না ভবিষ্যে পেকার মহাশয় কিছু সন্দেহান হইলেন। ভজগোবিন্দের সঙ্গে কিছু বিচার হইল—কিন্তু ভজগোবিন্দ এক প্রকার বুঝাইয়া দিল যে এ স্থলে অনুকল্প চলিবে না। অতএব মুচিরাম দারগ্রহণে কৃতসঙ্কল্প হইলেন। কোন কুল পবিত্র করিবেন, তাহার অন্বেষণ করিতেছিলেন, এমনত সময়ে ভজগোবিন্দ জানাইল যে তাঁহার একটা অবিবাহিতা ভগিনী আছে—ভজগোবিন্দের পিতৃকুল উজ্জল করায় ক্ষতি নাই। অতএব মুচিরাম একদিন সন্ধ্যার পর শুভলগ্নে মাথায় টোপর দিয়া, হাতে স্ত্রী রাঙ্গিয়া, এবং পটুবস্ত্র পরিধান

করিয়া শুদ্ধকালী নামী, ভক্তগোবিন্দের সহোদরকে সে ভাগ্য-
শালিনী করিলেন। তাহার পর হইতে শুদ্ধকালীর নামে অনেক
জমীদারী পত্তনী খরিদ হইতে লাগিল। শুদ্ধকালী হঠাৎ জেলার
মধ্যে একজন প্রধানা ভূম্যধিকারিণী হইয়া দাঁড়াইলেন।

নবম পরিচ্ছেদ।

শুদ্ধকালীর দ্বাদশ বৎসর বয়সে বিবাহ হয়—মুচিরামের
এমনই অদৃষ্ট—বিবাহের পর দুই বৎসরের মধ্যেই শুদ্ধকালী চৌদ্দ
বৎসরের হইল। চৌদ্দ বৎসরের হইয়াই শুদ্ধকালী ভক্তগোবিন্দের
একটা চাকরির জন্ত মুচিরামের উপর দোরাওয়া আরম্ভ করিল স্ত্রতরাং
মুচিরাম চেষ্টা চরিত্র করিয়া ভক্তগোবিন্দের একটা মুহুরিগিরি করিয়া
দিলেন।

ইহাতে মুচিরাম কিছু বিপন্ন হইলেন। এক্ষণে ভক্তগোবিন্দের
নিজের কাজ হইল—সে মনোযোগ দিয়া নিজের কাজ করে মুচি-
রামের কাজ করিয়া দিবার তাহার তত অবকাশ থাকে না। ভক্ত-
গোবিন্দ সুপাত্র—শীঘ্রই হোম সাহেবের প্রিয়পাত্র হইল। মুচি-
রামের কাজের যে সকল ক্রটি হইতে লাগিল, হোম সাহেব তাহা
দেখিয়াও দেখিতেন না। আভূমিপ্রণত সেনায় এবং মাই লাড
বুলির গুণে সে সকলের প্রতি অন্ধ হইয়া রহিলেন। মুচিরামের
প্রতি তাহার দয়া অচলা রহিল। দুর্ভাগ্যবশতঃ এই সময়ে হোম
সাহেব বদলি হইয়া গেলেন, তাহার স্থানে ষড সাহেব আসিলেন।
ষড অতি বিচক্ষণ ব্যক্তি। অতি অল্প দিনেই বুঝিলেন—মুচিরাম
একটা বৃদ্ধ ভট্ট বানর—অকস্মাৎ অথচ ভারি বকমের সুবখার। মুচি-
রামকে আপিস হইতে বহিষ্কৃত করা মনে স্থির করিলেন। কিন্তু ষড
সাহেব যেমন বিচক্ষণ তেমনি দয়াশীল ও হৃদয়বান। কিছু
দুঃসাহসে কাহাকেও অগ্রহীত করিতে নিতান্ত অনিচ্ছুক; কাহাকেও

একেবারে অগ্রহীন করিতে অনিচ্ছুক। মুচিরাম যে বিপুল সম্পত্তি করিয়াছে—ঋড সাহেব তাহা জানিতে পারেন নাই। ঋড সাহেব মুচিরামকে দুই একবার ইস্তফা দিতে বলিয়াছিলেন বটে, কিন্তু মুচিরাম চোখে জল আনিয়া দুই চারিবার “গরিব খানা বেগর মারা যায়েগা” বলাত্রে তিনি নিরস্ত হইয়াছিলেন। তারপর, তাহাকে পেষকারির তুলা বেতনে আঁককারির দারোগাই দিতে চাহিয়াছিলেন—অগত্য মফস্বলি চাকরি করিয়া দিতে চাহিয়াছিলেন,—কিন্তু আবার মুচিরাম চোখে জল আনিয়া বলে যে আমার শরীর ভাল নহে মফস্বলে গেলে মরিয়া যাইব—হজুরের চরণের নিকট থাকিতে চাই। সুতরাং দরালুচিত্ত ঋড সাহেব নিরস্ত হইলেন। কিন্তু তাহাকে লইয়া আর কাজও চলে না। অগত্যা ঋড সাহেব মুচিরামকে ডিপুটী কালেক্টর করিবার জন্ত গবর্ণমেন্টে রিপোর্ট করিলেন। সেই সময় হোম সাহেব বাকালি আপিসে সেক্রেটারি ছিলেন—রিপোর্ট পৌছিদামাত্র মুচিরাম ডিপুটী বাহাহরিতে নিযুক্ত হইলেন।

দশম পরিচ্ছেদ।

মুচিরামের মাথায় বজ্রাঘাত হইল। তিনি প্রেক্ষারিতে ঘুষ লইয়া অসংখ্য টাকা রোজ্জগার করেন—আড়াইশত টাকার ডিপুটী-গিরিতে তাঁহার কি হইবে? মুচিরাম সিদ্ধান্ত করিলেন—ডিপুটী-গিরি অস্বীকার করিলে ঋড সাহেব নিশ্চয় বুঝিবে যে মুচিরাম ঘুষের লোভে পেষকারি ছাড়িতেছে না—তাহা হইলে শীঘ্রই তাড়াইয়া দিবে। তখন দুইদিক্ বাইবে। অগত্যা মুচিরাম ডিপুটী-গিরি স্বীকার করিলেন।

মুচিরাম ডিপুটী হইয়া প্রথম রূপকারী বস্ত্রখতকারী পড়িয়া দেখিলেন, লেখা আছে শ্রীযুক্ত বারু মুচিরাম শুড় বার বাহাহর-ডিপোটি কালেক্টর। প্রথমটা বড়ই আশ্চর্য হইত—কিন্তু

শেষ কিছু লজ্জাবোধ হইতে লাগিল। যে মুহুরি কলকারী লিপিরা-
ছিল তাহাকে ডাকিয়া বলিলেন “ও হে—‘গুড়’ টা নাই লিপিলা !
শুধু মুচিরাম রায় বাহাদুর লেখায় ক্ষতি কি ? কি জান, আমরা
গুড় বটে আমাদের খেতাব রায়। তবে যখন অবস্থা তেমন
ছিল না, তখন রায় খেতাব আমরা লিখিতাম না। তা, এখন
গুড়েও কাজ নাই—রায়েও কাজ নাই, শুধু মুচিরাম রায় বাহাদুর
লিপিলেই হইবে।” মুহুরি ইন্দিত বকিল, হাকিমের মন সরাই
রাখিতে চায়। সে মুহুরি দ্বিতীয় কলকারীতে লিখিল, “বাবু
মুচিরাম রায়, রায় বাহাদুর।” মুচিরাম লিপিরা কিছু বলিলেন
না, দস্তখত করিয়া দিলেন ! সেই অবধি মুচিরাম “রায়” বলিতে
লাগিল ; কেহ লিখিত “মুচিরাম রায়, রায় বাহাদুর,” কেহ
লিখিত “রায় মুচিরাম রায় বাহাদুর।” মুচিরামের একটা যন্ত্রণা
ঘুটিল—গুড় পদবীতে তিনি বড় নারাজ ছিলেন, এখন সে জালা
গেল। তবে লোকে অসাক্ষাতে বলিত “গুড়ের পো”—অথবা
“গুড়ের ডিপুটি।” আর স্কুলের ছেলেরা কবিতা করিয়া শুনাইয়া
শুনাইয়া বলিত,

“গুড়ের কলসীতে ডুবিয়ে হাত

বুঝতে নারি সার কি মাত ?”

কেহ বলিত,

“সরা মালসায় খুসি নই।

ও গুড় তোর নাগরী কই !”

মুচিরাম তাহাদের তাড়াইয়া মারিতে গেলেন, তাহারা তাঁহাকে
মুখ ভেসাইয়া, উভয় হস্তের অঙ্গুষ্ঠ সন্দর্শন করাষ্টয়া, উচ্চঃস্বরে
কবিতা আওড়াইতে আওড়াইতে পলাইল। লাভের মধ্যে মুচিরাম
লম্বা কোঁচা বাঁধিয়া আছাড় খাইলেন—ছেলেদের আনন্দের সীমা
থাকিল না। শেষে মুচিরাম স্কুলের ছেলেদের মাসে মাসে কিছু
সন্দেশ বরাদ্দ করিয়া দিয়া সে বিপদ হইতে উদ্ধার পাইলেন।
কিন্তু আর একটা নূতন গোল হইল। শীতকালে খেতুরে গুড়ের
সন্দেশ উঠিল—ময়রারা তাহার নাম দিল ডিপুটি মণ্ডা।

বাজারে বাহা হউক, সাহেবমহলে মুচিরামের বড় স্থখ্যাতি হইল। বৎসর বৎসর রিপোর্ট হইতে লাগিল, একরূপ সুযোগা ডিপুটি আর নাই একরূপ সুখ্যাতির কারণ—

প্রথম। মুচিরাম গুড় মূখ কাজে কাজেই সাহেবদিগের প্রিয়।

দ্বিতীয়। মুচিরাম অতি সামান্য ইংরেজি জানিত; বাহারা ভাল-ইংরেজি জানিত, তাহাদিগকে খাটো করিবার জন্য সাহেবেরা-বলিতেন মুচিরাম ইংরেজিতে সুশিক্ষিত; অথচ পাণ্ডিত্যভিমानी নহে। তাহারা বলিতেন, মুচিরাম তাহার স্বদেশবাসীদিগের দুষ্টান্তস্থল।

তৃতীয়। মুচিরাম নির্ধীরোধী লোক ছিলেন; সাহেবেরা অপমান করিলেও সম্মান বোধ করিতেন। একবার তিনি কমিশনের সাহেবের সঙ্গে সাক্ষাৎ করিতে গিয়াছিলেন। সাহেব তখন মেমসাহেবের সঙ্গে অগড়া করিয়া পরামেজাজ ছিলেন, এতেনা হইবামাত্র বলিলেন,—“নেকাল দেও শালা কো” বাহির হইতে মুচিরাম গুনিতে পাইয়া—সেইখান হইতে দুই হাতে সেলাম করিয়া বলিল “বহৎ খুব হজুর। হামারা বহিনকো খোদা ি তা রাখে।”

চতুর্থ। তোষামোদে মুচিরাম অদ্বিতীয়। তাহার পরিচয় অনেক-পাওয়া গিয়াছে।

পঞ্চম। মুচিরাম ডিপুটির হাতে প্রায় হস্তম পঞ্চমের কাজ কাজ-ছিল—অন্য কাজ বড় ছিলনা। হস্তম পঞ্চমের মোবদমায় একে সহজেই বড় বিচার আচারের প্রয়োজন হইত না তাতে আবার-মুচিরাম বিচার আচারের বড় ধার ধারিতেন না—চোখ বুজিয়া-ডিক্রী দিতেন—নথির কাগজও বড় পড়িতেন না। সুতরাং মাঝাঝায়ে দেখিয়া সাহেবেরা ধন্য ধন্য করিতে লাগিল। জনরব যে মুচিরামের একেবারে হঠাৎ সর্বোচ্চ শ্রেণীতে পদবৃদ্ধি হইবে। বড়ক ওলা চেঙ্গড়া ছোড়া গুনিয়া বলিল, “আরও পদবৃদ্ধি? ছটা পা হবে না কি?”

হুঁত্যাগক্রমে এই সময়ে চট্টগ্রামের কালেক্টরীতে কিছু গোলযোগ উপস্থিত হইল। গোল মিটাইবার জন্ত সেখানকার কমিশনার একজন ভারি বিচক্ষণ ডিপুটি কালেক্টর পাইবার প্রার্থনা করিলেন। বোর্ড বলিলেন—বিচক্ষণ ডিপুটি ৭ সে ত মুচিরাম ভিন্ন আর কাহাকে দেখি না—তাহাকেই চট্টগ্রাম পাঠান হোক। গবর্ণমেন্ট সেই কথা মঞ্জুর করিয়া মুচিরামকে চাটগাঁ বদলি করিলেন।

সম্বাদ পাইয়া মুচিরাম বলিলেন, এইবার চাকরি ছাড়িতে হইল। তাঁহার শোনা ছিল, চাটগাঁ গেলেই লোকে অন্ন প্ৰীতি হইয়া মরিয়া যায়। আরও শোনা ছিল যে চাটগাঁ যাইতে সমুদ্র পার যাইতে হয়—একদিন একরাত্রে পাড়ি। সুতরাং চাটগাঁ যাওয়া কি প্রকারে হইতে পারে? বিশেষ ভদ্রকালী—ভদ্রকালী এখন পূর্ণযৌবনা সে বলিল, “আমি কোন মতেই চাটগাঁ যাইব না কি তোমায় যাইতে দিব না। তুমি যদি যাও, তবে আমি বিষ খাইব।” এই বলিয়া ভদ্রকালী একটা বড় খোঁরা লইয়া তেঁতুল গুলিতে বসিলেন। ভদ্রকালী তেঁতুল ভাল বাসিতেন—মুচিরাম বলিতেন “ওতে ভারি অন্ন হয় ও বিষ।” তাই ভদ্রকালী তেঁতুল গুলিতে বসিলেন মুচিরাম হাঁ হাঁ করিয়া নিষেধ করিতে লাগিলেন ভদ্রকালী তাহা না শুনিয়া “বিষ খাইব” বলিয়া সেই তেঁতুলগোলায় লবণ ও শর্করা সংযোগ পূর্বক আধসের চালের অন্ন মাখিয়া লইলেন। মুচিরাম অশ্রুপূর্ণ লোচনে শপথ করিলেন যে তিনি কখনই চাটগাঁ যাইবেন না। ভদ্রকালী কিছুতেই শুনিল না সমুদায় তেঁতুল মাখা ভাতগুলি খাইয়া বিষপানের কার্য সমাধা করিল। মুচিরাম তৎক্ষণাৎ চাকরিতে ইস্তফা পাঠাইয়া দিলেন।

সুদূর কথা, মুচিরামের জমীদারীর আয় এত বৃদ্ধি হইয়াছিল, যে ডেপুটিগিরির সামান্ত বেতন, তাঁহার ধর্তব্যের মধ্যে ছিল না। সুতরাং সহজে চাকরি ছাড়িয়া দিলেন।

একাদশ পরিচ্ছেদ ।

চাকরি ছাড়িয়া দিয়া মুচিরাম, ভদ্রকালীকে বলিলেন, “প্রিয়ে !”
(তিনি সকের যাত্রার বাছা বাছা সম্বোধন পদগুলি ব্যবহার করিতেন) “প্রিয়ে ! বিষয় যেমন আছে তেমনি একটা বাড়ী নাই । একটা বাড়ীর মত বাড়ী করিলে হয় না ?”

ভদ্র । দাদা বলে এখানে বড় বাড়ী করিলে, লোকে বলবে ঘুষের টাকায় বড়মানুষ হয়েছে ।

মুচি । তা, এখানেই বা বাড়ী করায় কাজ কি ? এখানে বুকপূরে বড়মানুষি করা যাবে না । চল, আর কোথাও গিয়া বাস করি ।

ভদ্রকালী সম্মত হইলেন, কিন্তু নিজ পিত্রালয় যে গ্রামে সেই গ্রামে বাস করাই বিধেয় বলিয়া পরামর্শ দিলেন । ফলে ভদ্রকালী আর কোন গ্রামের নাম বড় জানিতেন না ।

মুচিরাম যিনীতভাবে ইহাতে কিছু আপত্তি করিলেন । তিনি শুনিয়াছিলেন যত বড় মানুষের বাড়ী কলিকাতায় তিনিও বড়-মানুষ, সুতরাং কলিকাতাই তাঁহার বাসযোগ্য এইরূপ অভিপ্রায় প্রকাশ করিলেন । এখন ভদ্রকালীর এক মাতুল, একদা কালী-ঘাটে পূজা দিতে আসিয়া, এককালে কলিকাতা বেড়াইয়া গিয়া-ছিলেন, এবং বাটী গিয়া গল্প করিয়াছিলেন, যে কলিকাতার কুলকামিনীগণ সজ্জিতা হইয়া রাজপথ আলোকিত করে । ভদ্রকালীর সেই অবধি কলিকাতাকে ভূতলস্থ স্বর্গ বলিয়া বোধ ছিল । তাঁহার অনেকগুলি অলঙ্কার হইয়াছে, পরিয়া সর্বজননয়নপথবর্তিনী হইতে পারিলে অলঙ্কারের সার্থকতা হয় ভদ্রকালী তৎক্ষণাৎ কলিকাতায় বাস করার প্রস্তাবে সম্মত হইলেন ।

তখন ভদ্রগোবিন্দ ছুটি লইয়া, আগে কলিকাতায় বাড়ী কিনিতে আসিল । বাড়ীর দাম শুনিয়া, মুচিরামের বাবুগিরির সাধ কিছু কমিয়া আসিল যাহা হউক, টাকার অভাব ছিল

না,—অট্টালিকা ক্রীত হইল। যথাকালে মুচিরাম ও ভদ্রকালী কলিকাতায় আসিয়া, উপস্থিত হইয়া নূতন গৃহে বিরাজমান হইলেন।

ষাদশ পরিচ্ছেদ ।

ভদ্রকালী কলিকাতায় আসিয়া দেখিলেন, তাঁহার মনস্কামনা পূর্ণ হইবার কোন সম্ভাবনা নাই। কলিকাতার কুলকামিনী রাজপথ আলোকিত করা দূরে থাকুক, পল্লীগ্রাম অপেক্ষা কঠিনতর কারাগারে নিবদ্ধ। যাহারা রাজপথ কলুষিত করিয়া দাঁড়ায়, তাহাদিগের শ্রেণীভুক্ত হইবার ইচ্ছা ভদ্রকালী রাখেন না। সুতরাং তাঁহার কলিকাতায় আসা বৃথা হইল। বিশেষ দেখিলেন তাঁহার অঙ্গের অলঙ্কার দেখিয়া কলিকাতার স্ত্রীলোক হাসে। ভদ্রকালীর অলঙ্কারের গর্ব ঘুচিয়া গেল।

মুচিরামের কলিকাতায় আশা বৃথা হইল না। তিনি প্রত্যহ গাড়ি করিয়া বাজার যাইতেন, এবং যাহা দেখিতেন তাহাই কিনিতেন। বাবুগী নূতন আমদানি দেখিয়া বিক্রেতৃগণ পাঁচ টাকার জিনিসে দেড়শত টাকা হাঁকিত, এবং নিতান্তপক্ষে পঞ্চাশ টাকা না পাইলে ছাড়িত না। হঠাৎ মুচিরামের নাম বাজিয়া গেল যে বাবুটি মধুচক্রবিশেষ। পাড়ার যত বানর মধু লুটিতে ছুটিল। জুয়াচোর, বদমাশ, মাতাল, লম্পট, নিকর্যা, ভাল ধুতি চাদর জুতা লাঠিতে অঙ্গপরিশোভিত করিয়া, চুল ফিরাইয়া, বাবুকে সম্ভাষণ করিতে আসিল। মুচিরাম তাহাদিগকে কলিকাতার বড় বড় বাবু মনে করিয়া তাহাদিগকে বিশেষ আদর করিতে আরম্ভ করিলেন। তাহারাও আত্মীয়তা করিয়া তাঁহার বৈঠকখানায় আড্ডা করিল। তামাক পোড়ায়, খবরের কাগজ পড়ে, মদ খায়, তাল পেটে, বাজানা বাজায়, গান করে, গোলাও ধ্বংসায়, এবং বাবুর প্রয়োজনীয় দ্রব্যসামগ্রী কিনিয়া আনে। টাকাটায় আপনারা

বাবু আনা মুনাফা রাখে, বলে দাঁড়িয়ে ঘোড়ায় সিকি দামে কিনিয়াছি। উভয়পক্ষের সুখের সীমা রহিল না।

যে গলিতে মুচিরাম বাড়ী লইয়াছিলেন, সেই গলিতে একজন প্রথমশ্রেণীর বাটপাড় বাস করিতেন। তাঁহার নাম রামচন্দ্র দত্ত। রামচন্দ্র বাবু প্রথমশ্রেণীর বাটপাড় একটু ব্রাঞ্জি বা একখানা কাটলেটের লোভে কাহারও আনুগত্য করিবার লোক নহেন। তাঁহার দ্বিতল গৃহ, প্রস্তরমুকুর কাষ্ঠ কাচ কার্পেটাদিতে সুরুষ উদ্যানতুল্য রঞ্জিত, তাঁহার দরওয়াজায় অনেকগুলো ছায়বান্ গালপাটী বাঁধিয়া সিঁদ্ধি ঘোঁটে; আস্তাবলে অনেকগুলি অশ্বের পদধ্বনি শুনা যায় তিনখানা গাড়ি আছে, সোনারাঁধা ছকা, হীরারাঁধা গৃহিণী, হাওনোট বাঁধা ইংরেজ খাদক, এবং তাড়ারাঁধা “কাগজ” সকলই ছিল। তথাপি তিনি জুয়াচোর, জুয়াচুরিতেই এ সকল হইয়াছিল। তিনি যখন শুনিলেন, টাকার বোঝা লইয়া একটা গ্রাম্য গর্দভ পাড়ায় আসিয়া চরিয়া বেড়াইতেছে, তখন ভাবিলেন, যে গর্দভের পৃষ্ঠ হইতে টাকার বোঝাটি নামাইয়া লইয়া তাহার উপকার করিতে হইবে। আহা! অবোধ পশু! এত ভারি বোঝা বহিবে কিপ্রকারে বোঝাটি নামাইয়া লইয়া তাহার উপকার করি।

প্রথম প্রয়োজন, মুচিরামের সঙ্গে আলাপ পরিচয়। রামচন্দ্র বাবু বড় লোক—মুচিরামের বাড়ী আগে যাইবেন না। ইঙ্গিত পাইয়া একজন অনুচর মুচিরামের কাছে তুলিয়া দিল, রামচন্দ্র বাবু কলিকাতার অতি প্রধান লোক, আর মুচিরামের প্রতিবাসী—মুচিরামের সঙ্গে আলাপ করিবার জন্ত অতি ব্যস্ত। সুতরাং মুচিরাম গিয়া উপস্থিত।

এইরূপে উভয়ে উভয়ের নিকট পরিচিত হইলেন। উভয়ে উভয়ের বাড়ী যাতায়াত হইতে লাগিল। ঘন ঘন যাতায়াতে ক্রমে সৌহার্দ্য বৃদ্ধি। রামচন্দ্র বাবুর সেই ইচ্ছা। তিনি চতুর, মুচিরাম নির্বোধ; মুচি গ্রাম্য, তিনি নাগরিক। অল্পকালেই মুচিরামমুগ্ধ হাঁদে পড়িল। রামচন্দ্রের সঙ্গে বন্ধুতা করিল।

রামচন্দ্র তাঁহার মৃত্যুর হইলেন মুচিরামের নাগরিক জীবন-
যাত্রানির্ব্বাহে শিক্ষাগুরু হইলেন।

ত্রয়োদশ পরিচ্ছেদ।

তিনি নাগরিক জীবননির্ব্বাহে মুচিরামের শিক্ষাগুরু—
কলিকাতারূপ গোচারগভূমে তাঁহার রাখাল কালীগাট হইতে
চিতপুর পর্য্যন্ত, যখন মুচিরাম বলদ স্বেথের গাড়ি টানিয়া যায়,
রামবাবু তখন তাহার গাড়য়ান ; স্বেথের ছেকড়ায় এই খোঁড়া
টাটুটি জুড়িয়া, রামচন্দ্র পাকা কোচমানের মত মিঠাকড়া চাবুক
লাগাইতেন। তাহার হস্তে ক্রমে গ্রাম্য বানর সহরে বানরে
পরিণত হইল। কি গতিকের বানর, তাহা নিম্নোক্ত পত্রাংশ
পড়িলে বুঝা যাইতে পারে। এই সময় তিনি ভজগোবিন্দকে যে
পত্র লিখিয়াছিলেন, তাহা হইতে উদ্ধৃত করা গেল

“তোমার পুত্রের বিবাহ শুনিয়া আশ্লাদ হইল। টাকার
তেমন আত্মকূল্য করিতে পারিলাম না মাপ করিও। দুইখানা
গাড়ি কিনিয়াছি একখানা বেরুঘ একখানা ব্রোনবেরি। একটা
আরবের মুড়িতে ২২০০ টাকা পড়িয়াছে। ছবিতে, আয়নাতে,
কারপেটে অনেক টাকা পড়িয়া গিয়াছে। কলিকাতার এত খরচ
তাহা জানিলে কখন আসিতাম না সেখানে সাত সিকায়, কাপড়
ও মজুরিসমেত আমার একটা চাপকান তৈয়ার হইত এখানে
একটা চাপকানে ৩৫ টাকা পড়িয়াছে। একসেট রূপার বাসনে
অনেক টাকা লাগিয়াছে। খাল, বাটি, গেলাস, সে বাসনের কথা
বলিতেছি না এসেট টেবিলের জন্ত। বরকন্ডাকে আমার হইয়া
আশীর্বাদ করিবে।”

এই হলো বানরামি নম্বর এক। তারপর, মুচিরাম, কলিকাতায়
যে কেহ একটু খ্যাতিযুক্ত, তাহারই বাড়ীতে, রামচন্দ্র বাবুর
পশ্চাতে পশ্চাতে যাইতে আরম্ভ করিলেন। কোন নামজাদা বাবু

তাহার বাটীতে আসিলে জন্মসার্থক মনে করিতেন। কিসে আসে সেই চেষ্টায় ফিরিতেন। এইরূপ আচরণে, রামবাবুর সাহায্যে, কলিকাতার সকল বন্ধিফু লোকের সঙ্গে তাহার আলাপ হইল। টাকার মান সর্বত্র; মুচিরামের টাকা আছে; সুতরাং সকলেরই কাছে তাহার মান হইল।

তারপর মুচিরাম কলিকাতার ইংরেজ মহল আক্রমণ করিলেন। রামবাবুর পরিচয়ে যত ছোট বড় ইংরেজের বাড়ী যাতায়াত করিলেন। অনেক যারগাতেই ঝাঁটা লাথি খাইলেন। কোন কোন স্থানে মিষ্ট কথা পাইলেন। অনেক স্থানেই একজন মাতালো জমিদার বলিয়া পরিচিত হইলেন।

তারপর ব্রিটিশ ইন্ডিয়ান আসোসিয়েশনে ঢুকিলেন। নার লেখাইয়া বৎসর বৎসর টাকা দিতে লাগিলেন। রামচন্দ্র বাবুর সঙ্গে প্রতি অধিবেশনে যাইতে আরম্ভ করিলেন। রামবাবু কথিত মহামহিম মহাসভার “একটা বড় কামান।” তিনি যখনই বড় কামান দাগিতে যাইতেন এই ছোট মুচিপিস্তলটা সঙ্গে লইয়া যাইতেন সুতরাং পিস্তলটা ক্রমে মুখ খুলিয়া পুটপাট করিতে আরম্ভ করিল। মুচিরামও ব্রিটিশ ইন্ডিয়ান সভায় একজন বক্তা হইয়া দাঁড়াইলেন। তিনি বকিতেন মাথামুণ্ড, কিন্তু ছাপার বিজ্ঞাপনীতে যাহা বাহির হইত, সে আর একপ্রকার। মুচিরাম নিজে তাহার কিছুই বুঝিতে পারিতেন না। যাহারা বুঝে, তাহারা পড়িয়া নিন্দা করিত না। সুতরাং মুচিরাম ক্রমে একজন প্রসিদ্ধ বক্তা বলিয়া খ্যাতিলাভ করিতে লাগিলেন। যেখানে লোকে বড়লোক বলিয়া গণ্য হয়, মুচিরাম তাহার কোন যারগায় যাইতেই ছাড়িত না। বেলবিড়ীয়ে গেলে বড় লোক বলিয়া গণ্য হয়, সুতরাং সে বেলবিড়ীয়ে যাইত। যাইতে যাইতে সে লেপ্টনান্ট গবর্নরের নিকট সুপরিচিত হইল। লেপ্টনান্ট গবর্নর তাহাকে একজন নম্র, নিরহঙ্কারী, নিরীহ লোক বলিয়া জানিলেন। জমিদারী সভার একজন নায়ক বলিয়া পূর্বেই রামচন্দ্রের নিকট পরিচয় পাইয়া ছিলেন।

সম্প্রতি বাঙ্গাল কোন্সিলে একটা পদ খালি হইল। একজন জমীদারী সভার অধিনায়ককে তাহাতে প্রতিষ্ঠিত করিবেন ইহাও লেপ্টেনেন্ট গবর্ণর বাহাদুর স্থির করিলেন। বাছনি করিতে মনে মনে ভাবিলেন, “মুচিরামের স্থায় এ পদের যোগ্য কে? নিরহঙ্কারী নিরীহ ইংরেজি কহিতে ভাল পায়ে না। অতএব তাহা হইতে কার্যের কোন গোলযোগ উপস্থিত হইবে না। অতএব মুচিরামকে বাহাল করি।”

অচিরাত্ অনবেরল বাবু মুচিরাম রায় বাঙ্গাল কোন্সিলে আসন গ্রহণ করিলেন।

চতুর্দশ পরিচ্ছেদ।

বড় বাড়াবাড়িতে অনবেরল মুচিরাম রায়ের রুধির শুকাইয়া আসিল। ভক্তগোবিন্দ ফিকিরফন্দিতে অল্পদামে অধিক লাভের বিষয়গুলি কিনিয়া দিয়াছিলেন—তাহার কার্যদক্ষতায় ক্রীত-সম্পত্তির আয় বাঢ়িয়াছিল—কিন্তু এখন তাহাতেও অনাটন হইয়া আসিল। দুই একখানি তালুক বাঁধা পড়িল—রামচন্দ্র বাবুর কাছে। রামচন্দ্র বাবুর সঙ্কল্প এত দিনে সিদ্ধ হইয়া আসিতেছিল—এই জন্ত তিনি আত্মীয়তা করিয়া মুচিরামকে এতবড় বাবু করিয়া তুলিয়াছিলেন। রামচন্দ্র অর্ধেক মূল্যে তালুকগুলি বাঁধা রাখিলেন—জানেন যে মুচিরাম কখনও শুধরাইতে পারিবেন না—অর্ধেক মূল্যে বিষয়গুলি তাঁহার হইবে! আরও তালুক বাঁধা পড়ে এমন গতক হইয়া আসিল। এই সময়ে ভক্তগোবিন্দ আসিয়া উপস্থিত হইল। সে শুনিয়াছিল যে গবর্ণর প্রভৃতি বড় বড় সাহেব তাহার ভগিনীপতির হাতধরা। এই সুযোগে একটা বড় চাকরি ঘোড়াইয়া লইতে হইবে এই ভরসায় ছুটি লইয়া কলিকাতায় আসিলেন। আসিয়া শুনিলেন মুচিরামের গতক ভাল নহে। তাহার উদ্ধারের উপায় বলিয়া দিলেন।

বলিলেন, “মহাশয়, আপনি কখন তালুকে যান নাই। গেলেই কিছু পাওয়া যাইবে ! তালুকে যান ”

মুচিরাম আনন্দিত হইল, ভাবিল, “তাই ত ! এমন সোজা কথাটা আমার মনে আসিল না।” মুচিরাম খুশী হইয়া ভজ-গোবিন্দের কথায় স্বীকৃত হইল।

চন্দনপুর নামে তালুক—সেইখানে বাবু গেলেন। প্রজাদিগের অবস্থা বড় ভাল। সে বৎসর নিকটবর্তী স্থান সকলে দুর্ভিক্ষ উপস্থিত—কিন্তু সে মহলে কিছু না। কখন মুচিরাম প্রজাদিগের নিকট মাঙ্গন মাথট লয়েন নাই। মুচিরাম নির্বিরোধী লোক—তাহাদের উপর কোন অত্যাচার করিতেন না। আজ ভজগোবিন্দের পরামর্শে সশরীরে উপস্থিত হইয়া বলিলেন, “আমার কন্যার বিবাহ উপস্থিত বড় দায়গ্রস্ত হইয়াছি, কিছু ভিক্ষা দাও।” প্রজারা দয়া করিল প্রজা সুখে থাকিলে জমীদারকে সকল সময়ে দয়া করিতে প্রস্তুত। জমীদার আসিয়াছে সংবাদ পাইয়া পালে পালে প্রজা, টেঁকে টাকা লইয়া মুচিরাম দর্শনে আসিতে আরম্ভ করিল। মুচিরামের চেষ্টে টাকায় পরিপূর্ণ হইতে লাগিল, কিন্তু ইহাতে আর একদিকে, তাঁহার আর একপ্রকার সৌভাগ্যের উদয় হইল।

প্রজারা দলে দলে মুচিরামদর্শনে আসে কোন দিন পঞ্চাশ, কোন দিন ষাট, কোন দিন আশী, কোন দিন একশত এইরূপ। যাহাদের বাড়ী নিকট তাহারা দর্শন করিয়া ফিরিয়া যায়, যাহাদের বাসী দূর, তাহারা দোকান হইতে খাদ্যসামগ্রী কিনিয়া একটা বাগানের ভিতর রাঁধিয়া বাড়িয়া খায়। মহালটি একে খুব বড়—মুচিরামের এত বড় জমীদারী আর নাই তাহাতে গ্রামগুলির মধ্যে বিল খাল অনেক থাকায়, দুই চারিজন প্রজাকে প্রায় রাঁধিয়া খাইয়া যাইতে হইত। একদিন অনেক দূর হইতে প্রায় একশত প্রজা আসিয়াছে তাহাদের বাড়ী একটা ভারি জলা পার ; নিকাশ প্রকাশে, তাহাদের বেলা গেল ; তাহারা বাড়ী ফিরিতে পারিল না। বাগানে রাঁধাবাড়া করিতে লাগিল। রাত্রি থাকিতে প্রাতে যাত্রা করিবে। তাহারা যখন খাইতে বসিল, সেই সময়ে নিকটস্থ মাঠ পার হইয়া, অশ্বযানে, একটা সাহেব যাইতেছিলেন।

সাহেবটির নাম মীনওয়েন্। তিনি ঐ জেলার প্রধান রাজ-
পুরুষ মাজিষ্ট্রেট কালেক্টর। সাহেবটি ভাল লোক—শ্রায়বান্—
হিতৈষী, এবং পরিশ্রমী। দোষের মধ্যে বুদ্ধিটা একটু ভোঁতা।
পূর্বেই বলিয়াছি সে বংসর ঐ অঞ্চলে দুর্ভিক্ষ হইয়াছিল; সাহেব
দুর্ভিক্ষ তদারকে বাহির হইয়াছিলেন। নিকটস্থ কোন গ্রামে
তঁাহার তাষু পড়িয়াছিল তিনি এখন অশ্বারোহণে তাঁষুতে ঘাইতে-
ছিলেন। ঘাইতে ঘাইতে দেখিতে পাইলেন, একটা বাগানের
ভিতর কতকগুলো লোক ভোজন করিতেছে।

দেখিয়াই সিদ্ধান্ত করিলেন, ইহারা সকলে দুর্ভিক্ষপীড়িত
উপবাসী দরিদ্র লোক, কোন বদান্ত ব্যক্তি ইহাদের ভোজন
করাইতেছে। সবিশেষ তত্ত্ব জানিবার জন্ত, নিকটে একজন
চাসাকে দেখিয়া তাহাকে জিজ্ঞাসাবাদ আরম্ভ করিলেন।

এখন সাহেবটি, লোক বড় ভাল হইলেও আত্মগরিমাবর্জিত
নহেন। তঁাহার মনে মনে শ্রাঘা ছিল যে, তিনি বাঙ্গালা বড় ভাল
জানেন। সুতরাং চাসার সঙ্গে বাঙ্গালায় কথোপকথন আরম্ভ
করিলেন।

সাহেব চাসাকে জিজ্ঞাসা করিলেন,

“টোমাডিগের গড়ামে * ডুর্ভাখুখা + কেমন আছে?”

চাসা ত জানে না “ডুর্ভাখুখা” কাহাকে বলে। সে ফাঁফরে
পুড়িল। ডুর্ভাখুখা কোন ব্যক্তিবিশেষের নাম হইবে ইহা
একপ্রকার স্থির হইল। কিন্তু “কেমন আছে?” ইহার উত্তর
কি দিবে? যদি বলে যে সে ব্যক্তিকে আমি চিনি না, তাহা
হইলে সাহেব হয়ত, এক ঘা চাবুক দিবে, যদি বলে যে ভাল আছে,
তাহা হইলে সাহেব হয় ডুর্ভাখুখাকে ডাকিয়া আনিতে বলিবে;
তাহা হইলে কি করিবে? চাসা ভাবিয়া চিন্তিয়া উত্তর করিল,
“বেমার আছে।”

“বেমার Sick?” সাহেব ভাবিতে লাগিলেন, “Well,
there may be much sickness without there being
any scarcity—the fellow doesnot understand

perhaps ; I am afraid these people don't understand their own language—I say ডুর্ভাখ্খা কেমন আছে অটিক আছে কিম্বা অল্প আছে ?”

এখন চাসা কিছু ভাব পাইল । স্থির করিল যে এ যখন সাহেব, তবে অবশ্য হাকিম (সে দেশের নীলকর নাই) হাকিম যখন জিজ্ঞাসা করিতেছে যে ডুর্ভাখ্খা অধিক আছে কি অল্প আছে—তখন ডুর্ভাখ্খা একটা টেক্সের নাম না হইয়া যায় না । ভাবিল কই আমরা ত ডুর্ভাখ্খার টেক্স দিই না ; কিন্তু যদি বলি যে আমাদের গ্রামে সে টেক্স নাই তবে বেটা এখনই টেক্স বসাইয়া যাইবে । অতএব মিছা কথাই ভাল । সাহেব পুনরপি জিজ্ঞাসা করিলেন,

“তোমাদের গড়ামে ডুর্ভাখ্খা অধিক কিম্বা অল্প আছে ?”

চাসা উত্তর করিল,

“হজুর আমাদের গাঁয়ে ভারি ডুর্ভাখ্খা আছে !”

সাহেব ভাবিলেন, “Humph ! I thought as much ” পরে বাগানে যে সকল লোক খাইতেছিল, তৎপ্রতি অঙ্গুলিনির্দেশ করিয়া জিজ্ঞাসা করিলেন,

“কে বোজন করিল ?” (উদ্দেশ্য “করাইল”)

চাসা । প্রজারা ভোজন কোচ্ছে ।

সাহেব, চটিয়া, “টাহা আমি জানে they eat, that I see but who pays ? টাকা কাহাড় ?”

এখন সে চাসা জানে যে যত টাকা আসিতেছে, সকলই জমীদারের দিক্কে যাইতেছে ; সে নিজেও কিছু দিয়া আসিয়াছিল অতএব বিনা বিলম্বে উত্তর করিল,

“টাকা জমীদারের”

সাহেব । Ah ! there it ; thay do their duty—জমীদারের নাম কি ?”

চাসা । মুচিরাম রায় ।

সাহেব । কট ডিবস বোজন কড়িয়াছে ?

চাসা। তা ধর্মাবতার প্রজারা রোজ রোজ আসে, খাওয়া দাওয়া করে।

সাহেব। এগুড়ামের নাম কি ?

চাসা। চন্ননপুর।

সাহেব নোটবুক বাহির করিয়া তাহাতে পেন্সিলে লিখিলেন,
For Famine Report,

‘Babu Muchiram Ray, Zemindar of Chinonpur feeds every day a large number of his ryots.’

সাহেব তখন ঘোড়ায় চাবুক মারিয়া টাপে চলিলেন। চাসা আসিয়া গ্রামে রটাইল, একটা সাহেব টাকায় আনা হিসাবে টেক্স বসাইতে আসিয়াছিল, চাসামহাশয়ের বুদ্ধি-কৌশলে বিমুখ হইয়াছে।

এদিকে মীনওয়েল সাহেব যথাকালে ফেমিন্ রিপোর্ট লিখিলেন। একটি পারাগ্রাফ শুধু মুচিরাম রায় সম্বন্ধে! তাহাতে প্রতিপন্ন হইল, যে মুচিরাম জমীদারদিগের আদর্শস্থল। এই দুঃসময়ে অন্নদান করিয়া সকল প্রজাগুলির প্রাণরক্ষা করিয়াছে।

রিপোর্ট কমিশনরের হস্ত হইতে কিছু উজ্জলতর বর্ণে রঞ্জিত হইয়া কমিশনর সাহেব লেখক ভাল—গভর্নমেন্টে গেল। গভর্নমেন্টের এই বিবেচনা—যে যার প্রজা সেই যদি দুর্ভিক্ষের সময়ে তাহাদের আহার যোগায়, তাহা হইলেই ‘দুর্ভিক্ষ প্রশ্নের’ উত্তম মীমাংসা হয়। অতএব মুচিরামের শ্রায় বদান্ত জমীদারদিগকে সম্মানিত ও উৎসাহিত করা নিতান্ত কর্তব্য। তজ্জন্ত বাঙ্গালা গভর্নমেন্ট ভারতবর্ষীয় গভর্নমেন্টের নিকট অনুরোধ করিলেন যে, বাবু মুচিরাম রায়মহাশয়কে—পাঠক একবার হরি হরি বল—রাজা-বাহাদুর উপাধি দেওয়া যায়।

ইণ্ডিয়ান গভর্নমেন্ট বলিলেন তথাস্ত। গেজেট হইল, রাজা মুচিরাম রায়বাহাদুর। তোমরা সবাই আর একবার হরি বল।



